

Акафист Пресвятой Богородице в честь чудотворной иконы Ея
«Валаамская».

Кондак 1

Взбранной Воеводе, Владычице нашей Богородице, благодарственное приносим пение о даровании чудных Ея иконы Валаамския. Ты же, Семилостивая Царице, яко имущая державу непобедимую и милосердие неизреченное, от всяких зол и бед нас свободи, да зовем Ти: Радуйся, Владычице, обители Валаамския и страны наша дивная Заступнице.

Икос 1

Ангелов Царице и всея твари Владычице, прославлением иконы Своея святыя всю страну Российскую благодатию озарила еси, темже вернии людие с любовию припадающе к дивному образу Твоему Валаамскому, приносят похвалы сия:

Радуйся, Отца Небеснаго Чистая Агнице;
радуйся, Мати Господа Вышняго.
Радуйся, Церкви непоколебимый Столпе;
радуйся, Царствия Нерушимая Стено.
Радуйся, землю Русскую в удел Себе избравшая;
радуйся, иконы Твоя чудотворная, яко звезды, в ней умножившая.
Радуйся, страны Российския Царице и Владычице;
радуйся, яко Тобою людие православнии соблюдаютя.
Радуйся, всю вселенную лучами Твоея благодати озаряющая;
радуйся, светом радости души наша просвещающая.
Радуйся, непобедимая Воеводо царей и воинов православных;
радуйся, врагов наших видимых и невидимых побеждающая.

Радуйся, Владычице, обители Валаамския и страны наша дивная Заступнице.

Кондак 2

Ведый грядущую славу места сего, благослови Господь Матерь Свою прострети Покров Ея над островом Валаамом, сим Афоном северным, да вси спасающиеся на нем от лет древних, ныне и до века зывают непрестанно Спасителю и Богу нашему: Аллилуиа.

Икос 2

Разум имуще Божественный, преподобнии отцы наши Сергей и Герман приидоша в земли северная во еже Господу невозбранно послужити и достигше острова Валаама, обитель иноческую тамо устроиша. Ты же,

Пресвятáя Дéво, сохрани́ всех в ней подвизáющихся, еди́нем сéрдцем и еди́ными усты́ воспева́ющих Ти:

Ра́дуйся, от младéнства Бóгу посвящéнная;

ра́дуйся, в хра́ме Иерусали́мском воспитáнная.

Ра́дуйся, я́ко житиé Твоé при хра́ме проóбраз жити́я мона́шескаго яви́ся;

ра́дуйся, ино́ков чадолюбíвая Мáти.

Ра́дуйся, óстров Валаáм явлéнием благодáти Твоея́ освятив́шая;

ра́дуйся, зéмлю Карéльскую благоухáнием сýтости испóлнившая.

Ра́дуйся, обíтель Валаáмскую, я́ко сéверный Афóн, прослáвившая;

ра́дуйся, хра́мы и скиты́ ея́ слáвою чудéс Твои́х осия́вшая.

Ра́дуйся, моли́твы преподóбных Сéргия и Гéрмана к Своéй присовокупíвшая;

ра́дуйся, мíлостью Твоею́ на óстрове Валаáме дíвный сад духо́вный насадíвшая.

Ра́дуйся, святýя обíтели Валаáмския Всечестна́я Игúмения;

ра́дуйся, Настáвнице ино́ков на путь Небéсныя жízни.

Ра́дуйся, Влады́чице, обíтели Валаáмския и страны́ наша́я дíвная Застúпнице.

Кондак 3

Сíла Вы́шняго осení́ изóграфа, во обíтель Валаáмскую притéкшаго и а́нгельский óбраз та́мо воспри́ймшаго, и в честь свята́го иконопи́сца Печéрскаго Али́пия наречéннаго. И дарова́ся ему́ благодáть святýя ико́ны писáти и хра́мы обíтели дíвно украшáти, воспева́я Творцу́ и Господу́: Аллилу́иа.

Икос 3

Иму́щи любóвь ко обíтели Твоей́ избрáнной, Преблагословéнная, сподóбила еси́ изóграфа óнаго создáти ико́ну Твою́ честную́, ейже сíлу чудотвор́ную дарова́ла еси́ во исцелéние и спасéние всех с véрою и наде́ждою притека́ющих к ней, да видя́ще явля́емую Тобо́ю мíлость, вопи́ют со умилéнием такова́я:

Ра́дуйся, священна́го иконописáния Покровíteльнице;

ра́дуйся, почитáния святýх икон утверждéние.

Ра́дуйся, ико́ны Твоя́ на моли́твенное общéние нам дарова́вшая;

ра́дуйся, чрез них благодáтную сíлу источáющая.

Ра́дуйся, образóв списáтелем благоговéйным любóвь Твою́ святу́ю явля́ющая;

ра́дуйся, в подвизех ино́ческих их наставля́вшая.

Ра́дуйся, в трудéх иконописáния Али́пия укрепíвшая;

ра́дуйся, ико́ну Твою́ дѣвную создáти благословѣвша́я.
Ра́дуйся, на ико́не сей с Сѣном и Бо́гом Твоѣм изображе́нная;
ра́дуйся, мно́гими чудесы́ ю́ просла́вивша́я.
Ра́дуйся, я́ко моли́твою пред не́ю прие́млем душе́вное утеше́ние;
ра́дуйся, я́ко ико́ною Твое́ю Сама́ среди́ нас пребыва́еши.

Ра́дуйся, Владѣчице, оби́тели Вала́амския и страны́ на́шея дѣвная
Засту́пнице.

Кондак 4

Бу́ря смущений, воздвиза́емая враго́м спасения́, поколеба́ кора́бль
смирения́ ино́ка Али́пия, и пону́ди его́ оста́вити оби́тель Вала́амскую. Обáче
моли́твами Твоѣми, Пречи́стая Богородице, па́ки во оби́тель возврати́ся, и со
слезáми к стопа́м игу́мена припа́д, вся ко́зни сопроти́внаго попрá и всего́ себе́
Бо́гови предаде́. Те́мже в пощени́и, моли́твах и трудѣх мно́гих во оби́тели
жизнь препроводи́в, сподо́бися в день А́нгела своего́ преселити́ся во оби́тели
Небе́сныя, иде́же с ли́ком А́нгельским поёт Бо́гу: Аллилу́иа.

Икос 4

Слы́ша Господь ско́рбь жены́, двана́десять лет обурева́емая тяжкою́
болѣзнию, дарова́ ей по́мощь благодáтную Богома́тере, Я́же яви́ся боля́щей в
со́ннем видѣнии и повеле́ ей напра́вити стопы́ своя́ на Вала́ам, да просла́вится
та́мо ико́на Ея́ чу́дная, дото́ле в небреже́нии пребыва́вшая, от нея́же мно́зи
обрету́т ра́дость духо́вную и исцелѣ́ние, вопи́юще Преблагослове́нной:

Ра́дуйся, моли́тву сердечную́ боля́щия рабы́ Бо́жия услы́шавша́я;
ра́дуйся, в со́ннем видѣнии троекрати́но ей яви́вшаяся.
Ра́дуйся, недужную́ ста́рицу со одра́ болѣзни воздви́гша́я;
ра́дуйся, во оби́тель Вала́амскую ю́ напра́вивша́я.
Ра́дуйся, чудотво́рную си́лу ико́ны Твоея́ открыв́ша́я;
ра́дуйся, ико́ну Твою́ дѣвную во оби́тели показав́ша́я.
Ра́дуйся, прославлѣ́ние ико́ны Твоея́ исцелѣ́нием тяжко́ боля́щия жены́
знаменовав́ша́я;
ра́дуйся, сердца́ правосла́вных неизрече́нною ра́достью испо́лнивша́я.
Ра́дуйся, ико́ною Твое́ю в земли́ полу́нощней, я́ко со́лнце просия́вша́я;
ра́дуйся, сию́ я́ко сокрови́ще безце́нное нам оста́вивша́я.
Ра́дуйся, я́ко пред не́ю ве́рнии благоговѣ́нно поклоня́ются;
ра́дуйся, я́ко моля́щимся пред не́ю исцелѣ́ния пода́ются.
Ра́дуйся, Владѣчице, оби́тели Вала́амския и страны́ на́шея дѣвная
Засту́пнице.

Кондак 5

Боготѣчней звездѣ подобна явѣся всечестнѣя икона Твоя, Владычице, юже яко дар небесный воспримше, иноцы обители Валаамския поставиша в соборнем храме Преображения Господня, благодарственно взывающе Богу: Аллилуиа.

Икос 5

Видевше чудо исцеления болящия от иконы Твоея, Пресвятая Дево, братья обители радости исполнися и пречистому Твоему образу с любовью и благоговением поклонися. Мы же, грешнии, зряще и ныне во обители славней изображенную на иконе Матерь Господа, рuce к ней простираем и умиленно зовем:

Радуйся, остров Валаам благословением Твоим осенившая;

радуйся, обители Валаамския сокровище неоскудное.

Радуйся, любовь Твою ко обители показавшая;

радуйся, благое промышление о ней явившая.

Радуйся, обитель сию милостию Твоею посетившая;

радуйся, в залог любви икону Твою чудную ей даровавшая.

Радуйся, во обители древней прославленная;

радуйся, иноков валаамских Покровительнице.

Радуйся, подвижающимся в ней надежное заступление;

радуйся, приходящим в ню на поклонение благая Предстательнице.

Радуйся, иноков обители на служение Господу собирающая;

радуйся, в служении сем путь показующая.

Радуйся, Владычице, обители Валаамския и страны наша дивная Заступнице.

Кондак 6

Проповедница благодатных помощи Владычицы явися исцеленная раба Божия, и о чудеси, на ней бывшем, с радостию и благоговением всем поведа. Ейже подражающе, и мы прославляем милости Твоя, Дево Пречистая, от иконы изливаемая, яко грады и веси ограждаеши, обители иноческия защищаеши, недужныя исцеляеши и вся благая ниспосылаеши всем любящим Тя и поющим Сыну Твоему: Аллилуиа.

Икос 6

Восия на острове Валааме образ равноангельнаго жития всем ищущим спасения далече от суеты мирския под державным Покровом Богоматере, Еяже икона во обители яко знамение попечения Пречистыя о всех нас зрится. Мы же, грехми помраченнии, толикую милость ведуще, воспойм Преблагословенней:

Ра́дуйся, Благодáтная, обíтель святу́ю осeníвшая пречíстым Тво́им о́бразом;

ра́дуйся, я́ко па́че бíсер слезáми рáдости ико́на Тво́я украша́ется.

Ра́дуйся, си́лу Твою́ благодáтную в сей ико́не обíльно явívшая;

ра́дуйся, во всем мíре исто́чник исцелéний от святýх ико́н Тво́их пода́ющая.

Ра́дуйся, поклáняющимся ико́не Тво́ей в печáлех и бедáх скóро помога́ющая;

ра́дуйся, и нас грéшных ко спасéнию наставля́ющая.

Ра́дуйся, о всех чту́щих о́браз Твой промы́ляющая;

ра́дуйся, чудесы́ от него́ véру íстинную в лю́дех утвержда́ющая.

Ра́дуйся, Бо́гом даровáнная отра́до стра́ждущим;

ра́дуйся, сокрови́ще благодáти неоскудева́емое.

Ра́дуйся, рúце Тво́й к Бо́гу о нас простира́ющая;

ра́дуйся, вéчною рáдостью нас одева́ющая.

Ра́дуйся, Влады́чице, обíтели Валаáмския и страны́ на́шея дíвная Засту́пнице.

Кондак 7

Хотя́ вели́кий князь Никола́й благодарственная́ принести́ Тебе́, Богороди́це, повелé в го́дину бра́ни всеми́рныя устро́ити храм во íмя Твоё, да вси íноцы обíтели помина́ют вождéй и вои́нов за véру, царя́ и Оте́чество живóт свой положи́вших, во вся дни пою́ще Бо́гу: Аллилу́иа.

Икос 7

Но́вое чу́до показá Господь, егда́ ста́рец Валаáмский Бори́с в видéнии узрэ преподо́бных Сэ́ргия и Гэ́рмана, ико́не Богома́тере предстоящих и моля́щихся во уверéние пребыва́ния их во обíтели со бра́тиєю. Мы же ублажа́юще сих угóдников Бо́жиих мо́лимся, о éже сподóбитися нам, вку́пе с ними́ достóйно воспéти Всесвяту́ю Ма́терь Го́спода:

Ра́дуйся, Афóн сэ́верный с преподо́бными Сэ́ргием и Гэ́рманом охраня́ющая;

ра́дуйся, ста́рца валаáмскаго видéний сподóбившая.

Ра́дуйся, Оте́чества на́шего Печáльнице;

ра́дуйся, держáвная Покрови́тельница на́ша во дни тяжких испытáний.

Ра́дуйся, во дни бра́ни скóрая на враги́ Помо́щнице;

ра́дуйся, во дни мíра ко благочéстию Настáвнице.

Ра́дуйся, вои́нов правосла́вных на по́двиг рáтный укрепля́ющая;

ра́дуйся, мýжество неодоли́мое им да́рующая.

Ра́дуйся, си́лу дýха их возвыша́ющая;

ра́дуйся, до́брым страти́гом и ра́тником венцы́ уготовля́ющая.
Ра́дуйся, со Архистрати́гом враги́ наша́ поража́ющая;
ра́дуйся, моли́твами Твои́ми весь мир спаса́ющая.

Ра́дуйся, Влади́чице, оби́тели Валаа́мския и страны́ наша́ дивна́я
Засту́пнице.

Кондак 8

Стра́нное и дивное видѣние дарова́ Господь ста́рцу Бори́су в преддвѣрии
низпроверже́ния Ца́рства Росси́йскаго: ви́де пра́ведник Тя, Ма́терь Бо́жию,
пред Сы́ном Твои́м и Го́сподем те́пле Егó умоля́ющую со слеза́ми, да отве́рзет
двѣри милосе́рдия Своего́ странѣ́ нашей и лю́дем ея́. Те́мже у́бо воспла́чемся
и мы о гресе́х свои́х и с наде́ждою возопи́им Бо́гу: Аллилу́иа.

Икос 8

Вся страна́ Росси́йская в страх и трѣпет прии́де, егда́ восхотѣ́ враг ро́да
челове́ческаго ве́ру Христову́ в ней истреби́ти. Ты же, Всеми́лостивая, во дни
лихолѣ́тия сохра́нила еси́ зе́млю Ру́сскую от поги́бели и ве́ру Правосла́вную
от истребле́ния спасла́ еси́. Помози́ у́бо нам, Влади́чице, с терпе́нием и
благодарѣ́нием вся́кия ско́рби и бе́ды претерпева́ти и взыва́ти Тебе́ ра́достно:

Ра́дуйся, избра́нным Твои́м видѣ́ния небѣ́сная открыва́ющая;
ра́дуйся, дивна́я зна́мения ико́ною Твоѣю́ соверша́ющая.
Ра́дуйся, люде́й правосла́вных благода́тное утвержде́ние;
ра́дуйся, в годи́ну испытáний держа́вною Твоѣю́ руко́ю от поги́бели нас
спаса́ющая.

Ра́дуйся, Це́рковь Ру́сскую во дни гонѣ́ний омофо́ром Твои́м
покрыва́ющая;

ра́дуйся, в страда́ниях за Христа́ му́чеников и испове́дников ве́ры
укрепля́ющая.

Ра́дуйся, вои́нствующих на Це́рковь Бо́жию вразумля́ющая;
ра́дуйся, злобу́ и кова́рство их посрамля́ющая.
Ра́дуйся, вра́жду и ненави́сть ми́ром и любóвию побежда́ющая;
ра́дуйся, слéзы чад Твои́х отира́ющая.
Ра́дуйся, луча́ми Божѣ́ственными тьму́ вра́жию попада́ющая;
ра́дуйся, во ору́жие свѣ́та нас облака́ющая.

Ра́дуйся, Влади́чице, оби́тели Валаа́мския и страны́ наша́ дивна́я
Засту́пнице.

Кондак 9

Всех в разсе́янии су́щих люде́й ру́сских утѣ́шила еси́, Ма́ти Бо́жия,
ико́ною Твоѣю́ Валаа́мскою. Ино́цы бо оби́тели вку́пе с ве́рными ча́ды Це́ркве

Правосла́вныя ско́рби разлуче́ния с Оте́чеством со смире́нием прие́млюще, к чудотво́рному о́бразу Влады́чицы притека́ху, в единомы́слии воспева́юще Бо́гу: Аллилу́иа.

Икос 9

Ветии́ челове́честии недоуме́ют разумети́ та́йну спасе́ния Оте́чества на́шего во дни вели́каго нашест́вия иноплеме́нник, егда́ смерть и у́жас по лицу́ земли́ Ру́ския проидо́ша, плач и стенание́ ю́ огласи́ша. Тогда́ у́бо вси на Тя, Пречи́стая, упова́ние возложивши́и и от Тебе́ Еди́ныя спасе́ния ча́ющихи, поя́ху со слеза́ми:

Ра́дуйся, Засту́пнице на́ша усер́дная;
ра́дуйся, от всех врагов Избавле́ние.

Ра́дуйся, на по́двиги бра́ни во́инския и духо́вныя нас вдохновля́ющая;
ра́дуйся, го́рдых си́лою Твое́ю со стыдо́м вспя́ть возвра́щающая.

Ра́дуйся, я́ко Тобо́ю милосе́рдие Бо́жие улу́чаем;

ра́дуйся, я́ко мно́го мо́жет моли́тва Твоя́ пред Сы́ном Твои́м и Бо́гом на́шим.

Ра́дуйся, ико́ну Твою́ святу́ю в беда́х и испытáниях невреди́мо сохрани́вшая;

ра́дуйся, ру́сских люде́й в расе́янии сущи́х е́ю утешáвшая.

Ра́дуйся, всех расе́янных воеди́но собира́ющая;

ра́дуйся, раздо́ры и нестроения умиря́ющая.

Ра́дуйся, Наде́ждо и Прибе́жище на́ше;

ра́дуйся, Непобеди́мая Побе́до.

Ра́дуйся, Влады́чице, оби́тели Валаа́мския и страны́ на́шея дивная́ Засту́пнице.

Кондак 10

Спасти́ хотя́щи стра́ждущую страну́ на́шу, яви́лася еси́, Пречи́стая, в виде́нии ста́рцу Валаа́мскому Миха́йлу, я́ко Предста́тельница на́ша пред Бо́гом и Засту́пница, и в гро́зный час беды́ враго́м противоста́ла еси́, кре́пость во́ином подалá еси́, полки́ иноплеме́нных вспя́ть обра́щаючи, и побéду росси́йскому во́инству дарова́ла еси́, да вси лю́дие страны́ на́шея пою́т Спаси́телю Бо́гу: Аллилу́иа.

Икос 10

Стена́ необори́мая и исто́чник чудес ико́на Твоя́ святáя яви́ся, Богоро́дице Де́во, не то́кмо оби́тели Валаа́мской, но и всей стране́ нашей, зéмлю на́шу огражда́ющая и в Руси́ Святе́й благоговейне́ чтима́я. Спаси́ и поми́луй нас,

припадающих ко образу Твоему чудотворному, да сподобимся всякого утешения, воспевающе Тебе:

Радуйся, в сонних и видениях рабов Твоих посещающая;

радуйся, тайны промысления Божия о стране нашей им открывающая.

Радуйся, старцу Михайлу знамение Твоего милосердия к народу нашему явившая;

радуйся, державу Российскую паки славою Твоею осиявшая.

Радуйся, пред Господем дерзновенная наша Предстательнице;

радуйся, гнев Его праведный, на ны движимый, на милость предлагающая.

Радуйся, противу слуг сатанинских ратоборствующая;

радуйся, несокрушимый щите воинов российских.

Радуйся, воинство врага поразившая;

радуйся, от предел земли нашей его отгнавшая.

Радуйся, воином России на поля брани победу даровавшая;

радуйся, страну нашу от нашествия иноплемённых предивно избавившая.

Радуйся, Владычице, обители Валаамския и страны нашей дивная Заступнице.

Кондак 11

Пение молебное с любовью приносят братья обители Тебе, о Всеблагая Мати, во храме в честь иконы Твоея освященном. Услыши и нас, молящихся пред пречистым образом Твоим, и сохрани жизнь нашу в чистоте, от грехов избавитися помози, утоли болезни и печали, на спасения стези настави и научи воспевати Человеколюбцу Богу Ангельскую песнь: Аллилуиа.

Икос 11

Светло сияет дивная икона Твоя, Мати Божия, и Российскую страну нашу благодатию озаряет. Сего ради грядут во обитель Валаамскую на поклонение православных собори, умиленно воспевающе из глубины души пред пречистым образом Твоим таковая:

Радуйся, остров Валаам светом святыни озарившая;

радуйся, обитель Валаамскую благодатию Твоею возродившая.

Радуйся, Домостроительнице, жизнь обители добре устрояющая;

радуйся, от всех концов земли во обитель людей православных призывающая.

Радуйся, паломников благочестивых непостыдное упование;

радуйся, иноков валаамских присное радование.

Радуйся, образом Твоим честным обитель и ныне освящающая;

ра́дуйся, све́том Божéственным от ико́ны Твоея́ тьму неве́рия прогоня́ющая.

Ра́дуйся, Ма́ти Све́та, ду́ши ве́рных просвеща́ющая;

ра́дуйся, к Све́ту и́стины нас возводи́ющая.

Ра́дуйся, Огнь Божества́ в Себе́ вмести́вшая;

ра́дуйся, любве́ Божéственныя свети́льниче неугаси́мый.

Ра́дуйся, Влады́чице, оби́тели Валаа́мския и страны́ на́шея дивна́я Засту́пнице.

Кондак 12

Благода́тное утеше́ние дарова́ла еси́ нам, Пресвята́я Де́во, прославлéнием о́браза Твоего́ Валаа́мскаго в зна́мение ми́лости ко Оте́честву на́шему, в за́щиту от враго́в ви́димых и невидимых. Дáруй Покро́в Твой, Благода́тная, на всех путéх жи́зни на́шея, да уразумéем, я́ко с на́ми Бог, Емуже́ с любóвию да поём: Аллилу́иа.

Икос 12

Пою́ще Тя, Преблагослове́нная, преклоня́ем колéна пред чудотво́рным Твои́м о́бразом Валаа́мским и моля́щися пред ним ве́руем и испове́дуем, я́ко Ты еси́ вои́стину Держа́вная Влады́чица страны́ на́шея и Засту́пница усéрдная ро́да христиа́нскаго. Те́мже мо́лим Тя, пода́ждь Оте́честву на́шему мир, тиши́ну, благоустроéние, и не оста́ви ве́рныя лю́ди Твоя́, во умилении серде́ц принося́щия Ти похва́лы сия́:

Ра́дуйся, ико́ну Твою́ Валаа́мскую дивно́ просла́вившая;

ра́дуйся, но́вое зна́мение благода́ти в Це́ркви Правосла́вней тем показáвшая.

Ра́дуйся, я́ко от ико́ны Твоея́ зна́мения и чудеса́ соверша́ются;

ра́дуйся, я́ко серде́ца благочестивых люде́й ра́достью исполня́ются.

Ра́дуйся, страны́ Росси́йскаго несокруши́мое Огражде́ние;

ра́дуйся, ны́нешняго ско́рбнаго ве́ка Утеше́ние.

Ра́дуйся, святых печа́льников земли́ Росси́йскаго возрасти́вшая;

ра́дуйся, изнемога́ющих под тяжестию креста́ укрепля́ющая.

Ра́дуйся, страх и уны́ние прогоня́ющая;

ра́дуйся, скорбь на́шу в ра́дость претворя́ющая.

Ра́дуйся, стоя́ти за ве́ру Правосла́вную нас науча́ющая;

ра́дуйся, двéри райския́ ве́рным отверза́ющая.

Ра́дуйся, Влады́чице, оби́тели Валаа́мския и страны́ на́шея дивна́я Засту́пнице.

Кондак 13

О, Всепетая Мати, Россійския страны дивная Заступнице, милостивно прими сие малое моление, пред чудотворным Твоим образом возносимое. Сохрани Отечество наше, веру Православную в людех укрепи, избави нас от всяких бед, скорбей и напастей, и сподоби чистым сердцем zde и в будущем веце воспевати Богу: Аллилуиа.

Молитва

О, Пресвятая и Преблагословенная Владычице Богородице, Небесе и земли Царице, обители Валаамския Покровительнице! Припадаем и поклоняемся Тебе пред чудотворною иконою Твоею, и яко призрела еси милостивно на молитву болящия рабы Твоея и даровала еси ей исцеление, тако и ныне прими наше усердное моление, Тебе приносимое.

Спаси и сохрани, Всемилостивая, Отечество наше и вся люди православныя, живущия в нем и к Тебе с любовью прибегающия, от нашествия иноплеменных, от глады и мора, и от всякаго зла; управи пути наша, да возсияют в земли нашей правда и мир, радость и любовь, сохрани в ней до скончания века веру Православную.

Возри милостивым оком Твоим на обитель Валаамскую и соверши Сама о Господе спасение всех в вере и надежди подвижающихся в ней. Умоли Сына Твоего и Бога нашего, да избавит всех нас от всякия беды, скорби и болезни, да наставит на исполнение заповедей Своих, от вечныя муки избавит и да сподобит Твоим ходатайством вселиться во обителях Небесных и славити тамо Пресвятую Троицу, Отца и Сына и Святаго Духа, ныне и присно и во веки веков. Аминь.

Молитва иная

Пресвятая Госпоже, Владычице Богородице, страны наша Заступнице, обители Валаамския красотó и славо! Взиряюще на Пречистый лик Твой, в чудотворней иконе явленный, молим Тя, сохрани от всякаго зла обитель сию, юже преподобнии Сергий и Герман основаша, во братии мир соблюди, осени Покровом Твоим строителей, благодотворителей и благоукрасителей ея.

О Всечестная наша Мати, Игумение всех православных обителей и иноческаго жития Покровительнице, пребуди неотступна от обители сия, сущаго достояния Твоего, и всеильными Твоими молитвами покрый и заступи zde подвижающихся, от всяких бед и нужд, помози уставы преподобных отец непоколебимо сохранить, избави от падений греховных, даруй нам дух сокрушения и смирения, настави иноков в исполнении обетов и всех христиан в делании заповедей Божиих.

Прими смиренное моление наше, согрей нас любовью Твоею и никогдаже отступай от нас, да не оскудеет вера в нас грешных, и да

сподобимся внѣти в Царствие Небѣсное, в немже возвеличим Тя, Матерь нашу Всепѣтую, и прославим Сына Твоего и Бога нашего со Безначальным Его Отцем и Пресвятым и Животворящим Его Духом, ныне и присно и во веки веков. **А**минь.